

# Gvangjsih Minzcuz Bau

ganhhau: CN45-0036 B.2019 Nd.6 Ng.19 liggaueq geijhailh nienz ndwenngux cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3379期

## Vanzgyangh Hoizguh Bouh Daihsam Denyingj Vahmauznanz

Ginggvaq caepcawq ca mbouj geijlai buenq bi, mboengqneix, denyingj Vahmauznanz 《Cibbet Duncunh》 youz Vanzgyangh Mauznanzcuz Swciyen Minzcunghgiz cujciiz hoizguh haenx cingqsik loegguh, gujsuenq bineix ndwen 7 banh aen yizsi cuengqingj baez nduj.

Ciuq cam rox, hoizguh denyingj 《Cibbet Duncunh》 cujyau naemj daengz sam aen fuengmienh lajneix: It dwg 《Cibbet Duncunh》 heiqcinqz yungh aen canloz guekgia hengzguh cinjcinqz banggunz guh gij beigingj gojgaeq, doenggvaq langhbaij lajmbanj Sienghsih Huznanz youq mwh hengzguh cwnqcz banggunz, gyoengq vunz-mbanj swhsienq gvanhnen caeuq gvaq ndwenngoenz miz bienqvaq hungloet, yienh ok conzdungj vwnzva caeuq swheiz daihneix doxbungz caeuq

doxyungz, yinx hwnj gyoengqvunz ngeixnaemj baenzlawz vut gungz. Bineix dwg bi Vanzgyangh daengx yienh vut gungz duet mauh, aeu haenqrengz senhconz gij fuengcim cwnqcz vut gungz gunggeng Dangjcunghyangh, Gozvuyen, hoizguh bouh denyingj neix ndaej gikfat gij saenqsim caeuq gietsim ganbu ginzcung gak cuz Mbanj-mauznanz dwkhingz vut gungz gunggeng, bangrengz vut gungz gunggeng. Ngeih dwg denyingj yungh “laeb cei, laeb ndang, laeb hengz” guh cingsaenz haedsim, yienh ok gij haemzhoj caeuq gij buekguh geij daih vunz Cungguek. Hoizguh baenz denyingj Vahmauznanz, ndaej gikfat ginzcung gak cuz Mbanj-mauznanz fatyienqz gij cingsaenz dwgrengz buekguh, iuheuh ginzcung gak cuz daengx yienh caezsim doxgiet, doxrex doxbang, haenqrengz hwnjguh

lajmbanj moq vuenyungz gyaunde. Sam dwg denyingj gaenjdaet hopheux gij vwndiz “sam nungz” nungzyez, lajmbanj, vunzguhnaz Dangjcunghyangh caeuq Gozvuyen gig haeusim neix, daezcaiz haeujgyawj lajmbanj, haeujgyawj vunzguhnaz, haeujgyawj ndwenngoenz. Hoizguh baenz denyingj Vahmauznanz, mizleih daezsang gij suijsingz ndwenngoenz vwnzva caeuq swnjcienz minzcuz vwnzva dieg comzyouq minzcuz vunznoix. Doengz-seiz, hoizguh denyingj Vahmauznanz dwg hangh saehnieb goeng’ik ndeu, dwg gij gunghcwnqz vwnzva leih lwgminz, doiok gij cozbinq denyingj neiyungz moqsag, gaengaenj yamqdin seizdaih moq, engq ndei hawj gij cingsaenz vwnzva aeyuyung lai caengz, lai fuengmienh, lai yiengh ginzcung Mauznanz ndaej habhoz. (Mungz Siyiz)

## SIUSIK DINJ

● Ndwen 6 ngoenz 13, Swcigh Veiswng Gen-ganghvej lienzhab Swcigh Gyanghbinh Yihyen aeu 2 fanh lai duz lwgbya mbouj aeu cienz fat hawj vunzlai Lungzswng Gak Cuz Swciyen Lozgyangh Yangh Ginhbingz Cunh, caemhcaiq cingj lauxhangz dajciengx bae dangciengz son baenz-lawz ciengx bya haeuxnaz, bang vunzmbanj doenggvaq hwngfat gij canjnieb dajciengx ndaej gyalai souhaeuj.

(Banh Cisiengz)

● Ndwen 6 ngoenz 15, Yungzsuij Myauzcuz Swciyen Yungzsuij Cin youq Yinzci Cunh haiguh aen yizsi fat gaeumaenz hanghmoeg “dieg gungzhaj maenzsawz daengj doenghgo moq dinfwngz moq cienjvaq baenz guhyienh”, aeu gaeumaenz ndaem ndaej 200 lai moux haenx mbouj aeu cienz fat hawj 32 ranz ranzgunghoj, hawj gyoengqde lai ndaem maenz, gyalai souhaeuj.

(Liu Swjyenh)

● Mboengqneix, Denzyangz Yen Fulenz, Hungz-sizswvei, Veigengiz vih guh ndei hong hagseng ancienz, lienzhab cujciiz canghsongyauq, bae daengz Nazmanj Cin Luzmeij Siujoyz haiguh aen hozdung son’gyauq dinfwngz gouqhoh wngqgip, gangj fuengz doekraemx daengj gij cihsiz gouqhoh wngqgip hawj hagseng.

(Loz Gveihoz)

● Ndwen 6 ngoenz 14, aen hozdung langhbaij dungxcaiz saunenzgungh hagdangz lajmbanj gaiq nduj Denzdungh Yen youq Bingzmaj Cin Gyazfwngz Siujoyz banh, daengx yienh 11 aen doih saunenzgungh caeuqfaenh. Baez langhbaij dungxcaiz neix doenggvaq langhbaij gij hongfwngz, sawfap, dozveh miz daegsaek saunenzgungh hagdangz lajmbanj caeuq langhbaij ciengqgo, diuqfoux, yienj-heiq daengi, soengqlaex hawj Cunghvaz Yinzminz Gunghozgoz laebbaenz 70 hopbi.

(Couh Meijgenh)

## Sanhgyangh: Laeuzgyong Baij Daiz Doxdax Veh Vehdung



Ndwen 6 ngoenz 15, Sanhgyangh Duncuz Swciyen Vwnzva Dijyuz Gvangjden Caeuq Lijyouz Giz youq ndaw laeuzgyong Sanhgyangh banh aen doxdax veh-vunzguhnaz Sanhgyangh bi 2019, 80 lai boux caeuqfaenh doxdax faen cuj lwgnyez caeuq cuj vunzhung caemh daiz doxdax, hanhseiz 90 faen cunq doxdax veh veh-vunzguhnaz Duncuz, roengzsim veh gij veh moq Mbanjdung bienqvaq hungloet Cunghvaz Yinzminz Gunghozgoz laebbaenz 70 hopbi doxdax haenx. Ndaw doz dwg lwgnyez cingq doxdax veh Vehdung.

(Gungh Bujgangh/龚普康)

## Liujcouh Si Banh Aen Hozdung Minzcuz Minzsuz Vwnzva Haeuj Hagdangz Doxgyau Langhbaij

Mboengqneix, Liujcouh Si Cwnqz-cungh Gih youq Minzcuz Saedniemh Siujoyz banh aen hozdung minzcuz minzsuz haeuj hagdangz doxgyau langhbaij “cienz cingz Mbanjcuengh, caez hwnjguh aen loqsiengj Cungguek”. Baez hozdung neix neiyungz lai cungj lai yiengh, miz danz gimz, boq venz caij din venz, lijimiz foux lungzdaengq 《Mbanjcuengh Angq Fwen》 feihvuzciz vwnzva Bouxcuengh Gvangjsih, biujyienj foux lungzdaengq gya hwnj gij fwen dam-raih minzcuz doih habciengq hagdangz, gij heiqaenh minzcuz naekgywdgywd,

yienh ok gij yinxdaeuz minzcuz vwnzva. Gyoengq bouxhek caeuq bouxyawj caeuqfaenh baez hozdung neix ndaej roxnyinh gij yinxdaeuz dwkdomq caeuq diuq fouxsaux; yawjngonz gij veh buenzceij langhbaij “Mbanjdung gyaunde” haenx; yawjngonz gij doxgaiq labnyumx yienh’ok dinfwngz ndaw-biengz caeuq minzcuz vwnzva lai cungj lai yiengh lwgminz Myauzcuz haenx.

Geij bi neix daeuj, aen si neix Cwnqzcungh Gih Minzcunghgiz dingmaenh aeu minzcuz vwnzva haeuj hagdangz dangguh gij neiyungz youq-

gaenj hong ngoenznaengz, yungh lai cungj banhfap, bangrengz haiguh hong minzcuz vwnzva haeuj hagdangz. Baez hozdung neix hawj gyoengq lauxsae hagseng caeuq bohranz youq mwh hozdung roxnyinh gij yinxdaeuz daegbied gagmiz minzcuz minzsuz vwnzva, daezsang gij yisiz minzcuz doxgiet, gyagiengz minzcuz gagsaenq caeuq roxnyinh minzcuz miznaj, vih gyagiengz gak minzcuz doxgiet caeuq doxhag, doxcoi doxbang, caezcaemh cauh’ok gij heiqaenh aenbiengz ndei.

(Liuz Linz Hij Yajyouth)